

ԿԱՌԱՎԱՐՈՒԹՅԱՆ ՆԻՍՏ

ԻՐԱԿԼԻ ԿՈՐԱԽԻԶԵ. «ԱՎԵԼԻ ՔԱՆ 150 ՀԱԶԱՐ ԹՈՇԱԿԱՌՈՒՆԵՐԻ ՎԱՐԿԻ ՏՈԿՈՍՆԵՐԸ ԿԿՐՃԱՏՎԵՆ»

Փետրվարի 26-ին, Վրաստանի վարչապետ Իրակլի Կորախիձեի նախագահությամբ, անցկացվեց երկրի կառավարության նիստը: Նիստի մեկնարկին վարչապետը կառավարության անդամներին հա-կիրճ տեղեկատվություն փոխան-ցեց՝ Բոլուսել կատարած իր այցի վերաբերյալ, ապա՝ անդրադար-ձավ Ազգային բանկի եւ «Լիբեր-թի» բանկի ներկայացուցիչների հետ իր հանդիպմանը, խոսեց Հան-րապետական հիվանդանոցի կո-լեկտիվի հետ ձեռք բերած պայ-մանավորվածության մասին: Վար-չապետն առանձնակի կանգ առավ Վրաստան-Չինաստան ռազմավա-րական հարաբերությունների զար-գացման նոր ազդակի թեմային:



ՇՆՈՐՀԱՎԱՐՈՒԹՅՈՒՆ «ԼԻԲԵՐԹԻ» ԲԱՆԿԻՆ՝ ԴՐՍԵՎՈՐԱԾ ԲԱՐՁՐ ԴԱՏԱՍԽԱՆԱՏՎՈՒԹՅԱՆ ՀԱՄԱՐ

Կառավարության նիստում՝ Իրակլի Կորախի-ձեն իր երախտագիտությունը հայտնեց Լիբերթի բանկի ղեկավարներին՝ կենսաթոշակառուների վարկերի տոկոսների նվազեցման հարցում դրսեւ-որած բարձր սոցիալական պատասխանատվու-թյան համար:

- Ինչպես գիտեք, անցած շաբաթվա ընթաց-քում, մենք բանակցել ենք Ազգային բանկի եւ «Լի-բերթի» բանկի ղեկավարների հետ՝ կենսաթոշա-կառուների վարկերի տոկոսների նվազեցման վե-րաբերյալ: Հատուկ շնորհակալություն եմ հայտ-նում «Լիբերթի» բանկին, որը դրսեւորեց բարձր սոցիալական պատասխանատվություն: Մենք հաս-կանում ենք, որ բանկը, առաջին հերթին, ունի կո-մերցիոն շահեր, բայց միաժամանակ դրսեւորեց (Շարունակությունը՝ 4-րդ էջում)

ՓԵՏՐՎԱՐԻ 25-Ը՝ ԽՈՐՀՐԴԱՅԻՆ ՕԿՈՒՊԱՑԻԱՅԻ ՕՐ

ՀԱՐԳԱՆՔԻ ՏՈՒՐՔ՝ ՎՐԱՍՏԱՆԻ ԱՆԿԱԽՈՒԹՅԱՆ ՀԱՄԱՐ ԶՈՐՎԱԾ ՅՈՒՆԿԵՐՆԵՐԻ ՀԻՇԱՏԱԿԻՆ

Փետրվարի 25-ին, Խորհրդային օկուպացիայի օրվա կապակցությամբ, կառավարության շենքի վրա իջեց-վեց պետական դրոշմը:

Խորհրդային օկուպացիայի 103-րդ տարելիցին Վրաստանի վարչա-պետ Իրակլի Կորախիձեն, խորհրդա-րանի նախագահ Շավա Պապուաշ-վիլին, Թբիլիսիի քաղաքապետ Կա-խա Կալաձեն, Վրաստանի պաշտպա-նության նախարար Իրակլի Չիքոլա-նին ծաղկեպսակներ դրեցին Կոջո-րիում՝ յունկերների հուշահամալի-րում, եւ հարգանքի տուրք մատուցե-ցին նրանց, ովքեր զոհվել են Վրաս-տանի անկախության համար՝ 1921 թվականի փետրվարին:



(Շարունակությունը՝ 2-րդ էջում)

ՇՆՈՐՀԱՎՈՐՈՒՄ ԵՆՔ

ԲԱՏՈՆՈ ԿԱԽԱ, ՄԵՐ ՍԻՐԵԼԻ ՔԱՂԱՔԱՊԵՏ, ՁԵԶ ՄԱՐԹՈՒՄ ԵՆՔ ԵՐՋԱՆԿՈՒԹՅՈՒՆ, ԱՌՈՂՋՈՒԹՅՈՒՆ ԵՎ ՆՈՐԱՆՈՐ ՀԱԶՈՂՈՒԹՅՈՒՆ



երազանքի» իշխանության օրոք ստանձնելով կու-սակցության գլխավոր քարտուղարի պաշտոնը,

ապացուցեց, որ հմուտ եւ արհեստավարժ է նաեւ քաղաքական դաշտում: Ասվածի վկայությունը դար-ձավ Վրաստանի էներգետիկայի նախարարի պաշ-տոնում Ձեր նշանակումը, որին հաջորդելու էր Թբիլիսիի քաղաքապետի բարձր ու բազմաճյուղ պաշտոնում Ձեզ ընտրելու որոշումը: Այդ օրից ի վեր, արդեն 7 տարի մեր քաղաքը Ձեր շնորհիվ օր-օրի առավել զեղեցկանում, կանաչապատվում ու շենանում է:

«Վրաստան» թերթի խմբագրությունը, Թբիլի-սիի Պետրոս Աղանյանի անվան պետհայրամա-յի թատրոնը կրկին շնորհավորում են 46-ամյակի առթիվ եւ մաղթում երջանկություն, առողջություն եւ շարունակական հաջողություններ:

ՎՐԱՍՏԱՆ - ՀԱՅԱՍՏԱՆ

ՀԵՌԱՆՈՍԱԶՐՈՒՅ՝ ԻՐԱԿԼԻ ԿՈՐԱԽԻԶԵԻ ԵՎ ՆԻԿՈԼ ՓԱՇԻՆՅԱՆԻ ՄԻՋԵՎ

ՎՐԱՍՏԱՆԻ ՎԱՐՉԱՊԵՏՆ ԸՆԴՈՒՆԵՑ ՀԱՅԱՍՏԱՆԻ ՎԱՐՉԱՊԵՏԻ ՊԱՇՏՈՆԱԿԱՆ ԱՅՑԻ ՀՐԱՎԵՐԸ

Փետրվարի 26-ին տեղի է ունեցել Վրաստանի վարչապետ Իրակ-լի Կորախիձեի հեռախոսազրույցը Հայաստանի վարչապետ Նիկոլ Փաշինյանի հետ:



Հայաստանի վ ա Ր չ ա պ ե տ ը Վրաստանի գոր-ծընկերոջը եւս մեկ անգամ շնոր-հավորեց բարձր պ ա շ տ ո ը ստանձնելու կա-պակցությամբ եւ մաղթեց հաջո-ղություններ:



Զրուցակիցները կարելուցին երկկողմ հարաբերությունների հետագա զարգացումն ու խորացումը եւ պատրաստակամություն հայտնեցին սերտ համագործակցել այդ ուղղությամբ:

Նիկոլ Փաշինյանը Իրակլի Կորախիձեին հրավիրեց՝ պաշտոնա-կան այց կատարել Հայաստանի Հանրապետություն: Վրաստանի վարչապետն ընդունեց հրավերը:

ԱՇՈՏ ՍՄԲԱՏՅԱՆԸ ՀԱՆԴԻՊԵՅ «ՎԱՐԻՏԱՍ ՎՐԱՍՏԱՆ» ՀԻՄՆԱԴՐԱՄԻ ԳՈՐԾԱԴԻՐ ՏՆՕՐԵՆ ԱՆԱՀԻՏ ՄԽՈՅԱՆԻ ՀԵՏ



Փետրվարի 23-ին Վրաստանում Հայաս-տանի արտակարգ եւ լիազոր դեսպան Աշոտ Սմբատյանը այցելեց «Վարիտաս Վրաստան» բարեգործական հիմնադ-րամի Թբիլիսիի գրասեն-յակ, որտեղ հանդիպում



ունեցավ հիմնադրամի գործադիր տնօրեն Անահիտ Մխոյանի հետ:

Այցելության ընթացքում Հայաստանի դեսպանը շրջայց կատա-րեց գրասենյակի տարածքում, ծանոթացավ հիմնադրամի գործու-նեությանը եւ Վրաստանի տարբեր շրջաններում իրականացվող բա-րեգործական ծրագրերին:

Նույն օրը Աշոտ Սմբատյանը հանդիպումներ ունեցավ նաեւ Վրաս-տանի խորհրդարանի մշակույթի կոմիտեի ղեկավար Էլիսա Բուքվա-ձեի, Վրաստանի փոխվարչապետ, պաշտպանության նախարար Իրակլի Չիքոլանյանի հետ:

ՀԱՆԴԻՊՈՒՄ «ՎՐԱՍՏԱՆ» ԹԵՐԹԻ ԽՄԲԱԳՐՈՒԹՅՈՒՆՈՒՄ

Փետրվարի 27-ին Վրաստանում Հայաստանի արտակարգ եւ լիազոր դեսպան Աշոտ Սմբատյանն այցելեց «Վրաստան» թերթի խմբագրություն, որտեղ հանդիպում ունեցավ 103-ամյա հայագիր պարբերականի խմբագրական կազմի հետ:

Ծանոթանա-լով թերթի անց-յալ ու ներկա գոր-ծունեությանը՝ Հայաստանի դես-պանը կարելու-րեց թերթի առա-քելությունը որ-պես հայ ու վրաց եղբայրական ժո-ղ ո վ ու ղ ն եր ի կամրջողի, միա-ժամանակ՝ դերն ու նշանակությու-նը մայրենի լեզվի պահպանման ու տարածման գործում:



Աշոտ Սմբատյանն իր գնահա-տանքը հայտնեց «Վրաստան» թերթի երկարամյա գլխավոր խմ-

բագիր Վան Բայբուրդյանին ու ողջ անձնակազմին՝ նվիրյալ աշ-խատանքի եւ պարբերականի շա-րունակելիությունն ապահովելու համար:

ԴԻՐՔՈՐՈՇՈՒՄ

ՇԱԼՎԱ ՊԱՊՈՒԱՇՎԻԼԻ. «ՕՏԱՐԵՐԿՐՅԱ ԱՐՔՅՈՒՐՆԵՐԻՅ ԲԱՂԱՔԱԿԱՆ ԿՈՒՍԱԿՅՈՒԹՅՈՒՆՆԵՐԻ ՖԻՆԱՆՍԱՎՈՐՈՒՄԸ ԵՐԿՐԻ ԻՆՔՆԻՇԽԱՆՈՒԹՅԱՆ ԽԱՄՏՈՒՄ Է»

ՎՐԱՍՏԱՆՈՒՄ ՕՏԱՐԵՐԿՐՅԱ ՀԱՆԳԱՆԱԿՈՒԹՅՈՒՆՆԵՐԸ ԿԱՐԳԵԼՎԵՆ



Ինչպես հայտարարեց Վրաստանի խորհրդարանի նախագահ Շալվա Պապուաշվիլին՝ օտարերկրյա աղքատներից կամ միջազգային դոնորների կողմից երկրում գործող կուսակցությունների ֆինանսավորումը հանդիսանում է երկրի ինքնիշխանության խախտում:

- Ցանկանում եմ դիմել այդ սխեմայում ընդգրկված դոնորներին, ովքեր ուղղակի կամ անուղղակի մասնակցում են կուսակցությունների ֆինանսավորմանը: Վրացական կուսակցությունների ֆինանսավորման համար օտարերկրյա գումարների օգտագործումը հանդիսանում է Վրաստանի ինքնիշխանության խախտում,- հայտարարեց խորհրդարանի նախագահը եւ հավելեց, որ օտարերկրյա հանգանակությունների օգտագործումն արգելված է ինչպես Վրաստանում, այնպես էլ՝ մյուս երկրներում:

Հիշեցնենք, որ 2023 թվականի մայիսին Վրաստանի կառավարող «Վրացական երազանք» կուսակցությունը, «Գիրչին ավելի շատ ազատություն», «Դրոա» եւ «Եվրոպական Վրաստան» կուսակցություններին մեղադրեց օտարերկրյա դրամաշնորհներով ֆինանսավորման համար՝ ոչ կառավարական կազմակերպությունների ստեղծման մեջ: Այն ժամանակ Վրաստանում փորձ

արվեց ոչ կառավարական կազմակերպությունների ֆինանսավորումը դարձնել թափանցիկ, թեպետ թեմիսիումն անցկացված զանգվածային ցույցերի արդյունքում այդ օրենքը չընդունվեց:

Կուսակցությունների եւ ոչ կառավարական կազմակերպությունների ֆինանսավորման թեման առավել հրատապություն է ձեռք բերում ընտրությունների տարում: Նշենք, որ Վրաստանում, նախընտրական քարոզարշավի եւ անվճար զովագրային ժամանակի համար, պետական ֆինանսավորում են ստանում միայն այն կուսակցությունները, որոնք ճանաչված են որպես որակավորված սուբյեկտներ: Այօրվա դրությամբ, Վրաստանում որակավորված սուբյեկտներ են համարվում «Վրացական երազանք-ժողովրդավարական Վրաստան», «Միասնական ազգային շարժում», «Լեյոն Վրաստանի համար», «Նոր քաղաքական կենտրոն-Գիրչի», «Քաղաքացիներ», «Եվրոպական Վրաստան», «Վրաստանի հայրենասերների դաշինք», «Ռազմավարությունը՝ Աղմաշենբելի», «Օրենք եւ իրավունք», «Եվրոպական ժողովրդավարներ», «Հանրապետական կուսակցություն», «Առաջընթաց եւ ազատություն», «Պետությունը ժողովրդի համար» կուսակցությունները:

ՓԵՏՐՎԱՐԻ 25-Ը՝ ԽՈՐՀՐԴԱՅԻՆ ՕԿՈՒՊԱՑԻԱՅԻ ՕՐ

ՀԱՐԳԱՆՔԻ ՏՈՒՐՔ՝ ՎՐԱՍՏԱՆԻ ԱՆԿԱԽՈՒԹՅԱՆ ՀԱՄԱՐ ԶՈՅՎԱԾ ՅՈՒՆԿԵՐՆԵՐԻ ՀԻՇԱՏԱԿԻՆ

(Սկիզբը՝ 1-ին էջում)

Հայրենիքի անկախության համար զոհված յունկերների հիշատակի հարգման արարողություն անցկացվեց մաե Վրաստանի խորհրդարանում:

Հիշեցնենք, որ 1921 թվականի փետրվարի 25-ին Ռուսաստանի Կարմիր բանակը գրավեց Թբիլիսին եւ տապալեց Վրաստանի ազատ ու հանրապետությունը ընտրություններով ընտրված կառավարությունը, որի արդյունքում բռնակցեց միջազ-

գային իրավունքի սուբյեկտ Վրաստանի Դեմոկրատական Հանրապետությունը: Վրաստանի խորհրդարանի 2010 թվականի հուլիսի 21-ի որոշմամբ՝ փետրվարի 25-ը հայտարարվեց խորհրդային օկուպացիայի օր:

ԿՐԹԱԿԱՆ

ՆԻՆՈ ՇԵՐԵԹԵԼԻՆ ՆՇԱՆԱԿՎԵԼ Է ԿՐԹՈՒԹՅԱՆ ՆԱԽԱՐԱՐՈՒԹՅԱՆ ԳՆԱՀԱՏՄԱՆ ԵՎ ՔՆՆՈՒԹՅՈՒՆՆԵՐԻ ԱՉԳԱՅԻՆ ԿԵՆՏՐՈՆԻ ՏԵՐԵՆ

Նինո Շերեթելին նշանակվել է Գնահատման եւ քննությունների ազգային կենտրոնի տնօրեն:

Վրաստանի կրթության, գիտության եւ երիտասարդության նախարար Գիորգի Ամիլախվարին՝ աշխատանքային հանդիպմանը աշխատակիցներին է ներկայացրել կենտրոնի նոր ղեկավարին եւ հաջողություն մաղթել հետագա գործունեության մեջ:

Ինչպես հանդիպմանը նշեց նախարարը, Գնահատման եւ քննությունների ազգային կենտրոնը կրթական համակարգում ունի կարեւորագույն գործառնություններից մեկը: Նրա խոսքով, կարեւոր է շարունակել եւ բարելավել կենտրոնի հաջող գործունեությունը քննությունների կազմակերպման առումով:

Հանդիպմանը մասնակցել է Վրաստանի կրթության, գիտության եւ երիտասարդության փոխնախարար Գելա Գելաձեն: Նինո Շերեթելին կրթական համակարգում աշխատելու 20 տարվա փորձ ունի: Տարբեր ժամանակներում աշխատել է ինչ-

պես կրթության եւ գիտության նախարարությունում, այնպես էլ՝ Կրթության ոլորակի զարգացման ազգային կենտրոնում: 2019 թվականից մինչ այժմ նա զբաղեցնում էր Վրաստանի կրթության, գիտության եւ երիտասարդության նախարարության բարձրագույն կրթության զարգացման ղեկավարամենտի ղեկավարի պաշտոնը:



ՎՐԱՍՏԱՆՈՒՄ ԱՏԵՍԱՏՆԵՐԻ ԶԵՎԸ ՓՈԽՎՈՒՄ Է

Վրաստանի կրթության, գիտության եւ երիտասարդության նախարար Գիորգի Ամիլախվարիի հրամանագրով՝ Վրաստանում հիմնական կրթության վկայականների (ատեստատների) ձեւը փոխվում է:

Ըստ հրամանագրի՝ փաստաթղթի ճակատային մասի շրջանակի վրա պետք է նշվի Վրաստանի կրթության, գիտության եւ երիտասարդության նախարարության

ամբողջական իրավական անվանումը (վրացերեն եւ անգլերեն), Վրաստանի կրթության, գիտության եւ երիտասարդության նախարարի ստորագրությունը, Վրաս-

տանի կրթության, գիտության եւ երիտասարդության նախարարության կնիքը, բոլոր տողերը պետք է զրված լինեն միկրոտիպով, շարունակական մակագրությամբ՝ Վրաստանի կրթության, գիտության եւ երիտասարդության նախարարություն:

Հրամանը ուժի մեջ կմտնի 2024 թվականի ապրիլի 1-ից:

ՎԱՐԿԱՆԻՇ

ՏՆՏԵՍԱԿԱՆ ԱԶԱՏՈՒԹՅԱՆ ԱՌՈՒՄՈՎ ՎՐԱՍՏԱՆԸ ԼԱՎԱԳՈՒՅՆ 20-ՅԱԿՈՒՄ Է

Միջազգային «Հերիթիջ» հիմնադրամը հրապարակել է տնտեսական իրավիճակի վերլուծության արդյունքները, ըստ որի՝ տնտեսական ազատության վարկանիշում Վրաստանն առաջին անգամ Եվրոպայի լավագույն 20-յակում է եւ առաջ է անցել ԵՄ 11 անդամներից, ՆԱՏՕ-ի 13 անդամներից եւ բոլոր թեկնածու երկրներից:

Արձագանքելով «Հերիթիջ» հիմնադրամի հաղորդագրությանը՝ Վրաստանի խորհրդարանի նախագահ Շալվա Պապուաշվիլին հայտարարեց, որ Վրաստանն է՛լ ավելի է ամրապնդել իր առաջատար դիրքերը Եվրոպայում:

Նրա խոսքով, «Հերիթիջ» հիմնադրամի տնտեսական ազատության 2024 թվականի վարկանիշում Վրաստանը կրկին բարելավել է իր արդյունքները եւ «կառավարության բարեխղճության» զբաղեցրել 38-րդ տեղը:

- Այս վարկանիշով Վրաստանն առաջին անգամ է հայտն-

վել Եվրոպայի լավագույն դասակում եւ առաջ է անցել ԵՄ 11 անդամներից, ՆԱՏՕ-ի 13 անդամներից եւ ԵՄ բոլոր թեկնածու երկրներից:

Համեմատության համար նշենք, որ 2012 թվականին Վրաստանը 69-րդ տեղում էր:

Այս վարկանիշը հաշվի է առնում այնպիսի գործոններ, ինչպիսիք են կաշառակերության բացակայությունը, շրթունքը, նեպոտիզմը, հովանավորությունը եւ յուրացումները,- հայտարարեց Շալվա Պապուաշվիլին:



ԵՎՐԱՄԻՈՒԹՅՈՒՆ ԳՐԱՆՑՎԵԼ Է ԱՊԱՍՏԱՆԻ ԽՆԴՐԱՆՔՈՎ ՌԵԿՈՐԴԱՅԻՆ ԹՎՈՎ ԴԻՄՈՒՄ

2023 թվականին, Եվրամիությունում ապաստանի տրամադրման շուրջ, 1,1 միլիոն դիմում է գրանցվել, ինչը ռեկորդ է վերջին յոթ տարվա ընթացքում: Այն 18 տոկոսով ավելի է, քան 2022 թվականին: Այսպես, ամենից շատ դիմումներ են տրվել սիրիացիների եւ աֆղանստանցիների կողմից: Հայտերի քանակով առաջին տեղը զբաղեցրել է Գերմանիան (334 հազար), որին հաջորդում են Ֆրանսիան (167 հազար), Իսպանիան (162 հազար) եւ Իտալիան (136 հազար):

ԼԵՀԱՍՏԱՆ - ՈՒԿՐԱԻՆԱ ԲԱՆԱԿՑՈՒԹՅՈՒՆՆԵՐԻ ՍԱՀՄԱՆԻ ՓԱԿՄԱՆ ԵՎ ԵՐԿՈՐՄ ԱՌԵՎՏՐԻ ԴԱՂԱՐԵՑՄԱՆ ՇՈՒՐՋ

Լեհաստանի վարչապետ Դոնալդ Տուսկի խոսքով՝ Լեհաստանն ու Ուկրաինան բանակցություններ են վարում ընդհանուր սահմանի ժամանակավոր փակման եւ երկկողմ առևտրի դադարեցման շուրջ:

Նրա խոսքով, սա ժամանակավոր եւ ցավազուրկ որոշում կլինի երկու երկրների համար:

Հիշեցնենք, որ փետրվարի սկզբին լեհերը վերսկսել էին բողոքի ցույցերը ուկրաինական սահմանին՝ ֆերմերների դեմ: Փետրվարի լույս 25-ի գիշերը միջադեպ է տեղի ունեցել ուկրաինական գյուղատնտեսական արտադրանքի հետ կապված: Անհայտ անձինք բացել են ուկրաինական հացահատիկով բեռնված գնացքի ութ վագոններն ու եզիպտացորենը նետել երկաթուղու վրա: Փետրվարի 27-ին նրանք լայնածավալ բողոքի ակցիա են անցկացրել մայրաքաղաքում եւ դեմ արտահայտվել ուկրաինական ապրանքների ներկրմանը:

ԻՍՐԱՅԵԼ - ՀԱՄԱՍ ՄԵԾԱԹԻՎ ԶՈՐԴԵՐ՝ ԲԱՂԱՔԱՑԻԱԿԱՆ ԲԱՆԱԿՑՈՒԹՅԱՆ ՇՐՋԱՆՈՒՄ

Գազայի հատվածի հյուսիսային հատվածում, մարդասիրական օգնության բաշխման ժամանակ տեղի ունեցած դժբախտ պատահարի հետեւանքով, զոհվել է 104 մարդ, ավելի քան 760-ը՝ վիրավորվել:

Համաձայն տարածված տեղեկությունների՝ պաղեստինցիները սպասում էին մարդասիրական ապրանքներով լի բեռնատարների: Նրանք քառսը խրայելական զինված ուժերի կողմից ընկալվել է որպես սպառնալիք, եւ նրանք կրակ են բացել պաղեստինցիների վրա:

Ջարգացած իրադարձությունների պատճառով՝ «Համասը» հայտարարություն է տարածել, ըստ որի՝ կարող են դադարեցնել պատանդների ազատ արձակման համար ընթացող բանակցությունների գործընթացը:

ՊԱՂԵՍՏԻՆԻ ԿԱՌԱՎԱՐՈՒԹՅԱՆ ՀՐԱԺԱՐԱԿԱՆԸ

Պաղեստինի նախագահ Մահմուդ Աբբասն ընդունել է Մուհամմադ Շտայեի գլխավորած կառավարության հրաժարականը: Լրատվամիջոցների տեղեկատվությամբ՝ հրաժարականը պայմանավորված է Գազայի հատվածում ստեղծված իրավիճակով:

Պաղեստինի ինքնավարությունը, որը ստեղծվել է 30 տարի առաջ, Օսլոյի խաղաղության համաձայնագրի շրջանակներում, սահմանափակ իշխանություն ունի Զորդանան գետի Արեւմտյան ափում եւ կորցրեց իշխանությունը Գազայի հատվածում 2007 թվականին ՀԱՄԱՍ-ի հետ հակամարտության արդյունքում:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՎԵՐՋԻՆ ՄՈՐԻԿԱՆՆԵՐԻՑ ՄԵԿԸ...

ՆԱՄԻ ԵՎ ՄՏԱՍ ՄԻԿՈՅԱՆՆԵՐԻ ԾԱՂԿԵՊՄԱԿԸ՝ ՎԻԿՏՈՐՅԱ ՍԻՐԱՋԵԻ ՇԻՐՄԻՆ



95 տարեկան հասակում իր մահկանացուն կնքեց խորհրդային ճանաչված քաղաքական-հասարակական գործիչ Վիկտորյա Սիրաճեյ:

Պայծառ, գեղեցիկ, բարեհամբույր, խելացի մտավորականը հասարակական ակտիվ կյանքով ապրեց մինչև վերջին շունչը՝ հրաժեշտի ճամփան բռնելով առանց զգալու մահը, նա քնեց ու այլևս չգիտավորեց լուսաբացը...

Վիկտորյա Սիրաճեյն ժամանակին եղել է մայրաքաղաքի շրջաններից մեկի կոմերիտշրջկոմի, ապա՝ կուսակցական կազմակերպության շրջկոմի առաջին քարտուղար, Վրաստանի կոմկուսի Կենտկոմի՝ գաղափարական հարցերով քարտուղար, Վրաստանի Նախարարների խորհրդի փոխնախագահ, երկար տարիներ հանդիսանում էր Վրաստանի Արիմիությունների նախագահը:

Վիկտորյա Սիրաճեյն բարեկամական սերտ հարաբերություններ ուներ խորհրդային քաղաքական հայտնի գործիչ Անաստաս Միկոյանի հարսի՝ Նամի Միկոյանի հետ: Ծնունդով թբիլիսցի Նամին՝ Վիկտորյա Սիրաճեյի հետ մտերմացել էր դեռևս մանկապարտեզից եւ մանուկ տարիներից հաս-

տատված այդ մտերմությունը շարունակվեց մինչ այսօր...

Փետրվարի 29-ին Վիկտորյա Սիրաճեյի հուղարկավորությանը նրա թարմ շիրմին դրվեց նաեւ ծաղկեպսակ՝ Նամիի եւ նրա որդու, մոսկվացի ճանաչված երգահան Ստաս Նամինի կողմից:

Ավելացնենք նաեւ, որ վրացական մամուլում, Վիկտորյա Սիրաճեյի մասին մահախոսականի տակ, Վրաստանում ճանաչված քաղաքական-հասարակական գործիչների ստորագրությունների թվում էին նաեւ Նամի Միկոյանի, Ալեքսանդր Մովսիսյանի, Գիվի Շուգարովի, Վան Բայբուրջյանի, Ռաֆիկ Աղաջանյանի ստորագրությունները:

ԱՐԵՎԻԿԱ ՄԱՆՈՒԿՅԱՆ

ՎԻՃԱԿԱԳՐՈՒԹՅՈՒՆ

ՀՈՒՆՎԱՐԻՆ ԳՐԱՆՉՎԵՅ 5,8 ՏՈՒԿՈՍ ՏՆՏԵՍԱԿԱՆ ԵՎ...

Վրաստանի Ազգային վիճակագրական ծառայության նախնական գնահատականներով՝ 2024 թվականի հունվարին, նախորդ տարվա համապատասխան ժամանակահատվածի համեմատ, իրական համախառն ներքին արդյունքի աճը կազմել է 5,8 տոկոս:

Ծառայության տվյալներով, աճին զգալի ներդրում են ունեցել այնպիսի ոլորտներ, ինչպիսիք են շինարարությունը, ֆինանսական եւ ապահովագրական գործունեությունը, տեղեկատվությունն ու հաղորդակցությունը:

Նվազման միտում է նկատվել առևտրի, անշարժ գույքի հետ կապված գործունեության եւ մշակող արդյունաբերության ոլորտներում:



...ՀԱՄԱՆԱՌՆ ՆԵՐՔԻՆ ԱՐԴՅՈՒՆՔԻ ԱՃ

Վրաստանի ազգային վիճակագրական ծառայության նախնական գնահատմամբ՝ 2024 թվականի հունվարին, նախորդ տարվա համապատասխան ժամա-

նակահատվածի համեմատ, Վրաստանում համախառն ներքին արդյունքի (ՀՆԱ) աճը կազմել է 5,8 տոկոս: Նշենք, որ Համախառն ներքին արդյունքը (ՀՆԱ)՝ որոշ-

ակի ժամանակահատվածում տվյալ երկրում արտադրված պատրաստի ապրանքների եւ ծառայությունների շուկայական արժեքն է:

ՏԱՐԱԾԱՆԵՐԱՆ

ԱՄԱՔԱՐԱՔԻ ՕԳՆՈՒԹՅՈՒՆ՝ ԲԱԶՄԱԾԱԿԱԿ ԸՆՏԱՆԻՔՆԵՐԻՆ



Ախալքալաքիի մունիցիպալիտետի քաղաքապետարանը տարածել է հայտարարություն բազմազան ընտանիքներին օգնություն տրամադրելու վերաբերյալ:

Ըստ քաղաքապետարանի այս օգնությունը կարող է ստանալ այն ընտանիքը, որն ունի մինչև

չեւ 18 տարեկան չորս եւ ավելի երեխա, ծնողներից մեկը եւ երեխաները գրանցված են եւ ապրում են Ախալքալաքիի մունիցիպալիտետի տարածքում:

Վրաստանի բարձրագույն ուսումնական հաստատություններում սովորող բազմազան ընտանիքների ուսանողները կֆինանսավորվեն 1000 լարիով:

Վճարումը կկատարվի անկանխիկ վճարման ձևով ներկայացված բանկային հաշվին:

Նշենք, որ ներկա դրությամբ գրանցվել է 18 դիմում եւ տրամադրվել է 7500 լարիի օգնություն:

ԲԱԶՄԱԾԱԿԱԿ ՈՂՋՈՒՆԵՒ ՆԱԽԱՃԵՆՈՒԹՅՈՒՆԸ

Ախալքալաքիի մունիցիպալիտետի քաղաքապետ Սելբոն Մակարյանի որոշմամբ, լեռնադահուկային սպորտի զարգացմանը նպաստելու եւ երիտասարդների շրջանում առողջ ապրելակերպը խթանելու նպատակով, Արագվա գյուղում գտնվող լեռնադահուկային բազայում անցկացվեց դահուկավազքի մունիցիպալ առաջնություն:

Մրցույթը կազմակերպել էր քաղաքապետարանի կրթության, մշակույթի, սպորտի, երիտասարդության հարցերի եւ գենդերային հավասարության վարչությունը:

Առաջնությունում մրցեցին տղաների երեք եւ աղջիկների 2 թիմեր: Մրցույթն անցկացվել է չորս տարիքային կարգերում, որին մասնակցել են 30 մարզիկներ:

Մրցանակային տեղը զբաղեցրած մարզիկները պարգևատրվեցին պատվոգրերով, գավաթներով, մեդալներով եւ խորհրդանշական նվերներով:

ՆԻՆՈՇՄԻՆԳԱ ՊԱՐԳԵՎՆԵՐ՝ «ՏԱՐԱՆ-ԳԱՎՈՐ ՍԵՐՈՒՆ» ՄՐՅՈՒՅԹԻ ՄԱՍՆԱԿԻՑՆԵՐԻՆ



Նինոծմինդայի մշակույթի կենտրոնում, քաղաքապետ Անի Մոսոյանի, սակրեբուլոյի նախագահ Վահան Արոյանի, տեղական ինքնակառավարման մարմինների ներկայացուցիչների մասնակցությամբ, անցկացվեց «Արշալույս» մունիցիպալ թերթի «Տաղանդավոր սերունդ» մրցույթի մասնակիցների պարգևատրման արարողությունը:

Ինչպես նշեց թերթի խմբագիր եւ նախագծի հեղինակ Լուսինե Վարդանյանը՝ երեք տարի առաջ մեկնարկած «Արշալույս» սույն նախաձեռնությունը տարեցտարի ընդլայնվում է: Եթե մրցույթի մեկնարկին դրան մասնակցում էին 40 աշակերտներ, ապա այս տարի մասնակիցների թիվը հասավ 160-ի:

Մրցույթի մասնակիցների ստեղծագործական աշխատանքները՝ բանաստեղծություններ, նկարներ եւ այլ ստեղծագործություններ, գնահատվել են թերթի ընթերցողների եւ առցանց բաժանորդների կողմից՝ պրոֆեսիոնալ ժյուրիի հետ միասին:

Մրցույթի մյուս հաղթողները ստացան դիպլոմներ, իսկ բոլոր մասնակիցները՝ պատվոգրեր:

ԱՄԱՆՅԻՆԵ. 2024 ԹՎԱԿԱՆԻ ԲՅՈՒՑԵԻ ՀԱՄԱՐՄԱՆ ԵՎ 2023 ԹՎԱԿԱՆԻ ԲՅՈՒՑԵԻ ԿԱՏԱՐՄԱՆ ՀԱՐՅՈՒՆԸ՝ ՍԱԿՐԵԲՈՒԼՈՅԻ ՕՐԱԿԱՐԳՈՒՄ

Փետրվարի 27-ին, Ախալցխի մունիցիպալիտետի սակրեբուլոյի նախագահ Դավիթ Լոմիձեի նախագահությամբ, անցկացվեց սակրեբուլոյի նիստ:

Մունիցիպալիտետի սակրեբուլոյի պատգամավորները, Ախալցխի քաղաքապետ Իրակլի Լազարաշվիլու,

առաջին փոխքաղաքապետ Իլիա Ջարդիաշվիլու եւ քաղաքապետարանի ծառայությունների ղեկավարների մասնակցությամբ, քննարկեցին մունիցիպալիտետի 2024 թվականի բյուջեում պետական բյուջեով նախատեսված ընդհանուր պետական նշանակության հարկերից հատկացվող գումարներով իրականացվելիք միջոցառումների, մունիցիպալիտետի 2023 թվականի բյուջեի կատարման հաշվետվությունը, մունիցիպալիտետի տարածքում գտնվող պետության եւ մունիցիպալիտետի սեփականության ներքո գտնվող ոչ գյուղատնտեսական նշանակության հողերի մորմատիվային գների սահմանման եւ մունիցիպալիտետի համար կենսական նշանակության այլ հարցեր:

ՄԱՌՆԵՈՒԼԻ ՄԵԿՆԱՐԿԵԼ Է ՏՆԵՐԻ-ՏՆԱՄԵՐՁ ՀՈՂԱՏԱՐԱՄԵՆԵՐԻ ԳՐԱՆՈՒՄԸ

Հողերի գրանցման համակարգված բարեփոխման շրջանակներում՝ Մառնեուլիի մունիցիպալիտետում մեկնարկել է տների եւ տնամերձ հողատարածքների գրանցման գործընթացը: Ինչ վերաբերում է մյուս հողատարածքների գրանցմանը, ապա այն կիրականացվի ավելի ուշ:

Վերոնշյալ գործընթացի շրջանակներում՝ անվճար կիրականացվեցին հողամասերի կադաստրային հատակագծման/չափագրման աշխատանքները, իրավունքը հաստատող փաստաթղթերի որոնումը եւ համակարգումը, գործարքի կողմերի ստորագրությունների ստուգումը, նոտարական միջնորդությունը, հողամասի նկատմամբ սեփականության իրավունքի ճանաչումը, փաստերի հաստատումը, հողամասի գտնվելու վայրը, իրավունքը հաստատող փաստաթղթով նույնականացումը, հողամասի սեփականության գրանցումը եւ դրա հետ կապված փոփոխությունները:

Նշենք, որ հանրային ռեգիստրի ազգային գործակալությունը, մինչև 2024 թվականի ավարտը, համակարգված գրանցումներ կիրականացնի բոլոր մունիցիպալիտետների տարածքներում:

Պատրաստեց ԱՐԵՎԻԿԱ ՄԱՆՈՒԿՅԱՆԸ

ԿԱՌԱՎԱՐՈՒԹՅԱՆ ՆԻՍՏ

ԻՐԱԿԼԻ ԿՈՐԱԽԻԶԵ. «ԱՎԵԼԻ ՔԱՆ 150 ՀԱԶԱՐ ԹՈՇԱԿԱՌՈՒՆԵՐԻ ՎԱՐԿԻ ՏՈԿՈՍՆԵՐԸ ԿԿՐՃԱՏՎԵՆ»

(Սկիզբը՝ 1-ին էջում)

բարձր սոցիալական պատասխանատվություն եւ որոշում կայացրեց մի քանի տոկոսային կետով նվազեցնել գործող տոկոսադրույքը: Ես կցանկանայի կառավարության համապատասխան անդամներին խնդրել՝ շարունակել բանակցությունները, որպեսզի վերջնականապես հստակեցվեն մեր թոշակառուների համար նորացված պայմանները եւ հանրությանը մամուլում տեղեկատվություն տրամադրեն նոր տոկոսադրույքի մասին, - ասաց Իրակլի Կոբախիձեն:

Նրա խոսքով, բանկի ղեկավարության հետ ձեռք բերված պայմանավորվածությունը կվերաբերի մինչեւ 2023 թվականը վարկ վերցրած ավելի քան 150 հազար կենսաթոշակառուների, նրանց վարկերի տոկոսները կկրճատվեն եւ կհավասարվեն 2023 թվականին սահմանված տոկոսներին: Հիշեցնենք, որ 2023 թվականի հունվարի 1-ից կենսաթոշակառուների համար վարկերի արժեքի վերին շենը կրճատվել է մինչեւ 26 տոկոս:

ՆՈՐ ՀԻՎԱՆՊԱՆՈՅ ԿԱՌՈՒՅԵԼՈՒ ՓՈԽԱՐԵՆ՝ ՀԱՆՐԱՊԵՏԱԿԱՆ ՀԻՎԱՆՊԱՆՈՅԻ ԵՆԹԱԿԱՌՈՒՅՑԻ ԲԱՐԵԼԱՎԱՆ ՊԱՅՄԱՆԱՎՈՐՎԱԾՈՒԹՅՈՒՆ

Կառավարության նիստում՝ Վրաստանի վարչապետ Իրակլի Կոբախիձեն անդրադարձավ նաեւ Հանրապետական հիվանդանոցի կոլեկտիվի հետ իր հանդիպմանն ու համատեղ ընդունած որոշմանը:

- Միջանկյալ ժամանակահատվածում հիվանդանոցի ենթակառուցի բարելավման համար միջոցներ կծեռարկվեն, այլ ոչ թե՝ նորը կառուցելու համար: Ուստի, սա այն լուծումն է, որը, կարծում եմ, առավել հարմար է թե՛ պետական շահերին, թե՛ կոլեկտիվի շահերին: Ցանկանում եմ շնորհակալություն հայտնել այն բժիշկներին, ովքեր այս հարցի մոտեցմանը ունեին շատ գործնական, իրատեսական առաջարկներ, եւ այս մոտեցումը, ի վերջո, թույլ տվեց մեզ համաձայնության գալ ճիշտ դիրքորոշման շուրջ: Ցանկանում եմ շնորհակալություն հայտնել առողջապահության նախարար Զուրաբ Ազարաշվիլուն, ով մույնպես առանձնանում էր իր բիզնես մոտեցմամբ: Սա մեզ հնարավորություն տվեց միասին պայմանավորվել՝ օպտիմալ լուծման շուրջ: Եվս մեկ անգամ կրկնեմ, որ մեր կարելուր նպատակը, խնդիրը՝ նոր հիվանդանոցի կառուցումն է, որը կիրականացվի: Կոլեկտիվի շահերը լիովին պաշտպանված կլինեն: Ի վերջո, ճիշտ բախմբը, որը մենք ցանկանում էինք գտնել այս առումով, կարծում եմ, որ լավագույն որոշում կայացնելն է, - ասաց վարչապետը՝ հավելելով, որ, հիվանդանոցի գործունեության շարունակականությունն ապահովելու համար, առաջիկա օրերին միջոցներ կծեռարկվեն մի կողմից՝ առողջապահության նախարարության, մյուս կողմից՝ կոլեկտիվի ներգրավմամբ:

ՉԻՆԱՍՏԱՆԸ ՎՐԱՍՏԱՆԻ ՔԱՂԱՔԱՑԻՆԵՐԻ ՀԱՄԱՐ ՍԱՀՄԱՆԵՑ ԱՆԱՅՑԵԳՐԱՅԻՆ ՊԱՅՄԱՆԱՎԱՐԳ

Կառավարության նիստում Իրակլի Կոբախիձեն խոսեց վրաց-չինական ռազմավարական հարաբերությունների զարգացման մասին, նշանակալի ազդակի մասին: Ինչպես հայտարարեց վարչապետը, Չինաստանը Վրաստանի քաղաքացիների համար սահմանել է անայցեգրային պայմանակարգ:



- Չինաստանի ժողովրդական Հանրապետությունը որոշում է կայացրել Վրաստանի քաղաքացիների համար՝ առանց վիզայի ռեժիմ սահմանելու մասին: Վրաստանի քաղաքացիները կկարողանան Չինաստանում 30 օր անընդմեջ անցկացնել առանց վիզայի: Սա կարելուր որոշում է, որը կհեշտացնի մեր համաքաղաքացիների Չինաստան մեկնելը եւ նոր հնարավորություններ կստեղծի Վրաստանի ու Չինաստանի միջեւ քաղաքական, տնտեսական եւ մշակութային կապերի հետագա զարգացման համար: Այս որոշումը նախորդ տարի Վրաստանի եւ Չինաստանի միջեւ ստորագրված ռազմավարական գործընկերության համաձայնագրի եւս մեկ կարելուր գործնական արդյունքն է, - ասաց Իրակլի Կոբախիձեն:

Հիշեցնենք, որ Չինաստանի քաղաքացիների համար առանց վիզայի ռեժիմը Վրաստանի կողմից սահմանվել է 2023 թվականի սեպտեմբերի 11-ից:

ՇՐՋԱՆԱՎԱՐՏՆԵՐԻ ՎՃԱՐՈՎԻ ՍՏԱԺԱՎՈՐՈՒՄ՝ ՊԵՏԱԿԱՆ ԿԱՌՈՒՅՆԵՐՈՒՄ

Վրաստանի վարչապետ Իրակլի Կոբախիձեն, կառավարության նիստում, անդրադարձավ երիտասարդներին վճարովի պրակտիկայի հնարավորություն տալու մասին դեռեւս անցյալ տարի խորհրդարանի կողմից ընդունած օրենքին, նշեց, որ այս տարի պետք է պետական կառույցներում ապահովվի բուհերի երկու-երեք հազար շրջանավարտների առնվազն չորս ամիս վճարովի պրակտիկա անցնելու հնարավորությունը:

- Բացի այդ, մունիցիպալիտետների եւ մասնավոր հատվածի հետ համագործակցության հիման վրա երիտասարդներին պետք է հնարավորություն տալ վճարովի պրակտիկա անցնել նաեւ մունիցիպալիտետներում եւ մասնավոր կառույցներում, - ասաց Իրակլի Կոբախիձեն:

ՀԱՂՈՐԴԱԿՑՈՒԹՅՈՒՆ

ՎՐԱՅԱԿԱՆ ԲԶԶԱՅԻՆ ՀԵՌԱԽՈՍԱՀԱՄԱՐՈՎ ՀՆԱՐԱՎՈՐ ԿԼԻՆԻ ԶԱՆԳԱՀԱՐԵԼ ՀԱՅԱՍՏԱՆ ԵՎ ՄԻ ՔԱՆԻ ԱՅԼ ԵՐԿՐՆԵՐ

Հնարավոր է Վրաստանը միանա «Եվրոպական ռոունդինգին»: Եվրամիությունը ընդլայնման եւ հարեւանության քաղաքականության հարցերով եվրահանձնակատար Օլիվեր Վարհեյը հայտարարեց, որ ինքը, Եվրամիության գերագույն ներկայացուցիչ ժոզեֆ Բորելի հետ միասին, պատրաստ է դիմել Եվրոպայի խորհրդին, որպեսզի քննարկվի Եվրամիության ռոունդինգի գոտում Վրաստանի ինտեգրման հարցը այն հաշվով, որպեսզի այդ երկրի քաղաքացիների համար առավելագույնս նվազեցվեն ծախսերը:



- «Ռոունդինգի» տեսանկյունից ուրախ եմք, որ Վրաստանի կառավարությունը նշանակալիորեն առաջադիմել է, եւ բոլոր նախադրյալները առկա են, որպեսզի Եվրոպայի խորհրդին դիմենք՝ ռոունդինգի եվրոպական ոլորտում Վրաստանի ինտեգրման առաջարկությամբ: Դա թույլ կտա նվազեցնել Վրաստանի այն քաղաքացիների ծախսերը, ովքեր ուղեւորություն են կատարում կամ ապրում են Եվրոպայում: Դա Վրաստանի քաղաքացիների համար կդառնա փուլային փոփոխություն, քանզի նրանք կտեսնեն կոնկրետ առաջընթացը, - հայտարարեց Օլիվեր Վարհեյը:

Նշենք, որ 2023 թվականի փետրվարի 14-ին, Եվրոպական հանձնաժողովն ընդունել էր առաջարկություն՝ ռոունդինգի մասին հողվածը ներառել Եվրամիության եւ Ուկրաինայի միջեւ ասոցացման համաձայնագրում: Նման որոշում էր ընդունվել նաեւ 2023 թվականի սեպտեմբերի 1-ին, Եվրամիության եւ Մոլդովայի միջեւ համաձայնագրում:

«Եվրոպական ռոունդինգին» Վրաստանի հնարավոր միացման դեպքում՝ Վրաստանի քաղաքացիների համար նշանակալիորեն կնվազեն բջջային սպասարկումների սակագները: Ինչպես նշեց Վրաստանի փոքր եւ միջին օպերատորների ասոցիացիայի ղեկավար Ուլա Սեթուրին՝ սույն նախաձեռնությունը նախատեսում է Վրաստանի մերձեցումը եվրոպական կարգավորումներին:

- Այսօր Եվրոպայում գործում է «Roam Like at Home» սկզբունքը, իսկ դա նշանակում է, որ, ռոունդինգի օպերատորի ցանկում գտնվելով, անկախ նրանից, թե որ երկրի տարածքում եք գտնվում, բջջային սպասարկման սակագինը չի փոխվում: Ընդհանուր առմամբ, կարող եմ հավաստիացնել, որ բջջային սպասարկումներից սակագները նշանակալիորեն կնվազեն, - նշեց նա:

Ինչ վերաբերում է «Եվրոպական ռոունդինգի» ներկայիս սակագներին, ապա այն որոշակիորեն տարբերվում է՝ ըստ երկրների: Առանձին երկրներից Վրաստան զանգահարելու դեպքում՝ բջջայինով մեկ րոպեի հեռախոսագրույցը արժե 2,5 լարի, առանձին երկրներից զանգահարելու դեպքում՝ այն տատանվում է վերոնշյալ սակագնի շուրջ:

ՍՈՑԻԱԼԱԿԱՆ

ՎՐԱՍՏԱՆՈՒՄ ՎԱՎԵՐԱՑՎԵԼ Է ԳՈՐԾԱԶՐԿՈՒԹՅԱՆ ՄԱԿԱՐԴԱԿԻ ՆՎԱԶԵՑՈՒՄ



Վրաստանի Ազգային վիճակագրական ծառայության տվյալներով, Վրաստանում գործազրկության մակարդակը, 2023 թվականի չորրորդ եռամսյակում, նախորդ տարվա համապատասխան ժամանակահատվածի համեմատ, նվազել է 0,7 տոկոսային կետով եւ կազմել 15,3 տոկոս:

Վիճակագրության միջոցառման ծառայության տվյալներով, 2023

թվականի չորրորդ եռամսյակում, նախորդ տարվա համապատասխան ժամանակաշրջանի համեմատ, աշխատանքի ընդունվածների թիվն աճել է 74,3 հազարով կամ 8,4 տոկոսով եւ հասել 958,4 հազարի, իսկ ինքնազբաղվածների թիվը նվազել է 6,6 հազարով կամ 1,6 տոկոսով եւ կազմել 413,8 հազար:

Նույն ժամանակահատվածում, գործազուրկների թիվը նվազել է 0,9 հազարով կամ 0,4 տոկոսով եւ կազմել է 248,6 հազար: Բացի այդ, հաշվետու ժամանակահատվածում, աշխատուժի մասնակցության մակարդակը (աշխատուժի տեսակարար կշիռը 15 է նաեւ բարձր տարիքի բնակչության մեջ) աճել է 1,7 տոկոս:

սային կետով եւ, նախորդ տարվա համապատասխան ժամանակահատվածի համեմատ, կազմել 54,3 տոկոս, իսկ մակարդակն աճել է 1,8 տոկոսային կետով եւ կազմել 46,0 տոկոս:

Քաղաքատիպ բնակավայրերում աշխատուժի մասնակցության մակարդակն աճել է 1,9, գյուղական բնակավայրերում՝ 1,2, իսկ քաղաքատիպ բնակավայրերում զբաղվածության մակարդակն աճել է 1,7 տոկոսային կետով, իսկ գյուղական բնակավայրերում՝ 1,8 տոկոսային կետով, համապատասխանաբար՝ 47,5 եւ 43,9 տոկոս:

Գործակալության հաշվետվության համաձայն, 2023 թվականի չորրորդ եռամսյակում, նախորդ տարվա համապատասխան ժամանակաշրջանի համեմատ, վարձու աշխատողների մասնաբաժինն աշխատողների ընդհանուր թվում աճել է 2,1 տոկոսային կետով եւ կազմել 69,8 տոկոս: Ավելին, ընթացիկ տարվա չորրորդ եռամսյակում, նախորդ տարվա համապատասխան ժամանա-

կահատվածի համեմատ, քաղաքային բնակավայրերում գործազրկության մակարդակը նվազել է 0,2, իսկ գյուղական բնակավայրերում՝ 1,6 տոկոսային կետով:

Գործազրկության մակարդակն ավանդաբար ավելի բարձր է տղամարդկանց, քան կանանց շրջանում: 2023 թվականի չորրորդ եռամսյակում, նախորդ տարվա համապատասխան ժամանակահատվածի համեմատ, կանանց մոտ նշված ցուցանիշը նվազել է 0,3, իսկ տղամարդկանց մոտ՝ 1,0 տոկոսային կետով՝ կազմելով համապատասխանաբար՝ 13,5 եւ 16,8 տոկոս: Աշխատուժի մասնակցության մակարդակն ավելի բարձր է տղամարդկանց, քան կանանց շրջանում:

2023 թվականի չորրորդ եռամսյակում կանանց մոտ այդ ցուցանիշը կազմել է 44,3, իսկ տղամարդկանց մոտ՝ 65,9 տոկոս: Նախորդ տարվա համապատասխան ժամանակահատվածի համեմատ, կանանց շրջանում աշխատուժի մասնակցության ցուցանիշն աճել է 1,6, իսկ տղամարդկանց մոտ՝ 1,9 տոկոսային կետով:

Վիճակագրության ծառայության տվյալներով, 2023 թվականի չորրորդ եռամսյակում, նախորդ տարվա համապատասխան ժամանակահատվածի համեմատ, կանանց շրջանում զբաղվածության մակարդակն աճել է 1,5, իսկ տղամարդկանց մոտ՝ 2,2 տոկոսային կետով:

Էջը պատրաստեց ՅՈՒՐԻ ԽՈՐԵՆՅԱՆ